



Über Großkohlham zieht ein Gewitter auf. (Foto: Dieter Prietsch)

A dammisch Weda

Da Himme hot se a schwarz-blaus Schürzl ozogn.
Mei Liaba! Wehe, wenn der seine Seck auslaart!

Hie und do lupft se a Fuadazipfe,
dann blitzt schnej a Sunnastrahl vira.
Scho rumpelts und dann krachts.
latzt ham ma an Solot!

So lang hot er des voje Schürzl
duranandaballt, bis de ganze Soß übageht.
Oamoj rieseln eam d Haglkörna davo,
dann dampfts wia in da Waschkuchl.
Glei draf, muaß a d Sunn wieda eifanga.

A poor Löcha hot a aa in de Taschn.
Do rengts dann abwechselnd auß!
Vom Schnee, der eam zwischen de Fojtn durche-
rutscht,
no gor net zum Redn.
Naa! Heit hot er sei Sach net im Griff!
I glaub, des nennt ma Aprilweda!